



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA SUPREME E KOSOVËS
VRHOVNI SUD KOSOVA – SUPREME COURT OF KOSOVO

Numri i lëndës: 2023:303652
Datë: 31.01.2024
Numri i dokumentit: 05266121

C-IV-23-0713

Parashtruesi i kërkesës

Autoriteti i Likuidimit (AL),
i Ndërmarrjes Shoqërore (NSH) “Auto Moto Rival ”-Kline /Peje , (PEJ207) në likuidim,
Agjencia Kosovare e Privatizimit (AKP), rr. “Dritan Hoxha” nr.55 Lakrishte, Prishtinë

Dhoma e Posaçme e Gjykatës Supreme të Kosovës për çështjet në lidhje me Agjencinë Kosovare të Privatizimit (Dhoma e Posaçme), gjyqtarja Diellza Hoxha, me 30 janar 2024, lëshon këtë:

AKTVENDIM

- Aprovohet** Raporti Përfundimtar i AL të NSH “Auto Moto Rival ” –Klinë/Pejë ,
- Lejohet** mbyllja e rastit të likuidimit ndaj kësaj NSH-je.
- Lirohet** AL nga çdo detyrë e mëtutjeshme në lidhje me procedurat e likuidimi të kësaj ndërmarrjeje.
- Parashtruesi ka paguar taksën gjyqësorë.

Rrethanat faktike dhe procedurale

Me 26 dhjetor 2023, parashtruesi i kërkesës AL ka dorëzuar në Dhomën e Posaçme Raportin Përfundimtar të mbylljes së procesit të likuidimit të NSH “Auto Moto Rival ”- Klinë/Pejë , pas kalimit të të gjitha fazave te procesit te likuidimit që nga themelimi i tij ka percaktuar se kjo NSH nuk ka të evidentuar dhe nuk posedon në emër të saj asnjë pronë apo aset dhe si e tillë nuk

ka të gjeneruar asnjë të hyrë nga privatizimi dhe shitje e asetëve përmes likuidimit dhe nuk disponon me fond të likuidimit përmes të cilit do ti përmbushte detyrimet ndaj kreditorëve. Gjithashtu gjate afatit ligjor për paraqitjen e kërkesave kreditore nuk është parashtruar asnjë kërkesë në afat kundër kësaj NSH –je Parashtruesi i kërkesës ka propozuar që konform nenit 43 te Shtojcës së Ligjit nr. 04/L-034 për Agjencinë Kosovare të Privatizimit (më tutje: Shtojca e Ligjit të AKP-së) dhe ne pajtim me nenin 46 te këtij ligji , pas shqyrtimit të kërkesës të aprovojë Raportin Përfundimtar të NSH “Auto Moto Rival ”-Kline/Peje dhe të merr vendim mbi lejimin e mbylljes së rastit të likuidimit ndaj kësaj ndërmarrje.

Për detaje të tjera referoju dosjes së lëndës.

Arsyetimi ligjor

Dhoma e Posaçme, pas shqyrtimit të kërkesës, konstaton se kërkesa është e bazuar dhe si e tillë duhet të aprovohet.

Sipas nenit 43 paragrafi 1, të Shtojcës së Ligjit të AKP-së, i ndryshuar dhe i plotësuar me Ligjin 06/L-023, (nenin 26) Autoriteti i Likuidimit, pas përfundimit të plotë apo përfundimit substancial të realizimit të pronës së Ndërmarrjes sipas likuidimit, apo pas mbylljes së rastit të Likuidimit, ia parashtron për informim raportin përfundimtar Bordit të Drejtorëve, para se të dorëzohet ky raport në Gjykatë nga Autoriteti i Likuidimit.

Paragrafi 2 i nenit 43 përcakton se Raporti përfundimtar përmban:

- 2.1. një listë të të gjitha pronave të shitura apo të zgjidhura në mënyra tjera,
- 2.2. një listë të fletëpranimeve dhe pagesave të parasë së gatshme,
- 2.3. një listë përfundimtare të të gjitha kërkesave të lejuara,... dhe
- 2.4. një listë të balancit të mbetur në llogarinë bankare me shpjegim të qëllimit;

Paragrafi 3 i shtojcës së Ligjit bazik po ashtu i ndryshuar me Ligjin 06/L-023, (nenin 26) përcakton se: *Autoriteti i Likuidimit brenda pesë (5) ditëve do të shpall në faqen zyrtare të internetit të Agjencisë, Raportin Përfundimtar të aprovuar nga Gjykata për mbylljen e rastit të likuidimit të ndërmarrjes.*

Neni 44 paragrafi 1, i Shtojcës së Ligjit të AKP-së, parasheh që përveç rasteve të rregulluara në paragrafët 2 dhe 3 të këtij neni, mbyllja e rastit ndodh kur Gjykata aprovon raportin përfundimtar të Autoritetit të Likuidimit sipas nenit 43 të kësaj Shtojce.

Autoriteti i Likuidimit ka dorëzuar Raportin Përfundimtar për aprovim përfshirë dëshmitë në vijim që janë shqyrtuar nga gjykata.

Me 26 nëntor 2019 Bordi i Drejtorëve të AKP-së ka nxjerr vendim për likuidimin e NSH-së.

Me 2 dhjetor 2019 ka vendosur edhe për themelimin dhe përbërjen e Autoritetit të Likuidimit për këtë NSH, përbërja e të cilit kishte ndryshuar disa herë deri me 04 tetor 2023. Emërimet e Autoritetit të Likuidimit (**shtojca 4 e Raportit**)

Me 10 dhjetor 2019 Autoriteti i Likuidimit ka publikuar njoftimet e para për fillimin e procesit të likuidimit në gazetën Koha Ditore, Zëri në Kosovë dhe gazetën Danas dhe Pobjeda

Me 12 dhjetor 2019 AL ka dërguar njoftimet përkatëse për fillimin e Likuidimit të kësaj NSH-je tek institucionet relevante :

Zyrën e Regjistrimit të Bizneseve në Kosovë
ARBK-se
Administratën Tatimore të Kosovës
Administrata tatimore e Kosovës -ZR Pejë
Agjencinë Kadastrale të Kosovës
KK Klinë –Kryetari
Kuvendi Komunal në Klinë –Zyra e tatimit në pronë
KEDS
PTK
Kompania Regjionale e mbeturinave “A” SH.A Pejë
KRU “Hidrodrini” -Pejë
V M
M B[

Gjykatës Supreme të Kosovës dhe
Dhomës së Posaçme të Gjykatës Supreme
Gjykatës së Apelit në Prishtinë
Gjykatës Themelore Prishtinë - Departamentit Ekonomik
Gjykatës Themelore Pejë ,
Gjykatës Themelore Pejë –Dega Deçan
Gjykatës Themelore Pejë- Dega Istog
Gjykatës Themelore Pejë- Dega Klinë
Bankës Ekonomike –Dega Pejë
Procredit Bank-Dega Pejë
Raiffeisen Bank –Dega Pejë
NLB –Dega Pejë
Banka Private për Biznes –Dega Pejë
TEB Bank -Dega Pejë

Me 20 dhjetor 2019 njoftimi i dytë në gazetën Koha Ditore, Zëri, Danas dhe Pobjeda (**Shtojca 3**)

Parashtruesi i kërkesës i ka bashkangjitur kërkesës edhe Listën e parashtruesve për kërkesat ndaj NSH-së, ku janë shënuar kodi i NSH-së dhe data 2 dhjetor 2019 ku afati i fundit për dorëzim të kërkesave ka qenë 23.01.2020, në bazë të kësaj liste nuk ka asnjë kërkesë figuron 0 **(Shtojca 7)**

Agjencia Kadastrale e Kosovës ka deklaruar se pas verifikimit në bazë të shënimeve të cilat i posedon kjo Agjenci nuk ka pronë të evidentuar në emër të kësaj ndërmarrjeje **(Shtojca 8)**.

Dhoma e Posaçme ka konfirmuar se nuk ka ndonjë lëndë aktive me këtë ndërmarrje, përkatësisht ndaj kësaj NSH-je. **(Shtojca 9)**

Autoriteti i Likuidimit në bazë të Pasqyrës Përmbledhëse Financiare e llogarisë Bankare në likuidim, (Tabela renditja A,B,C dhe E) ka paraqitur gjendjen bankare e cila është 0.00.

Shpenzime nën B përfshijnë shumën prej 1,030.80 €, duke përfshirë: shpenzimet e reklamimit shuma prej 978.00 euro dhe shpenzimet postare 52.80 euro **(Shtojca 10)**

Letër konfirmimi nga Administrata tatimore e Kosovës e cila thekson se nuk ka aferuar në asnjë periudhë tatimore dhe si rezultat i kësaj nuk ka krijuar as obligime ndaj Administratës tatimore të Kosovës. **(Shtojca 11)**

Letër konfirmimi nga Kuvendi Komunal i Klinës lidhur me tatimin në pronë theksohet se në sistemin e tatimit në pronë NSH "Auto Moto Rival" me seli në Klinë nuk ekziston në sistemin e ngarkesave të tatimit në pronë. **(Shtojca 12)**

Gjykata konstaton se Agjencia Kosovare e Privatizimit përkatësisht Autoriteti i Likuidimit i ka ndërmarr të gjitha veprimet dhe vendimet e nevojshme për mbylljen e rastit të likuidimit të kësaj NSH-je, në pajtim me ligjin, andaj aprovon Raportin Përfundimtar të NSH-së dhe lejon mbylljen e rastit të likuidimit të kësaj NSH-je.

Me këtë ndërpritet ekzistimi i kësaj ndërmarrjeje dhe rasti mbyllet.

AL mbetet më tej përgjegjës për veprimet apo lëshimet joligjore gjatë mandatit të tij, sipas nenit 46.2 të Shtojcës së Ligjit të AKP-së.

Prandaj, u vendos si në dispozitiv të këtij Aktvendimi.

Taksat gjyqësore

Parashtruesi i kërkesës, ka bërë pagesën e taksës gjyqësore me 25.01.2023, nuk caktohen taksat shtesë në këtë procedurë.

Këshillë juridike

Kundër këtij aktvendimi mund të parashtrohet ankesë me shkrim në Kolegjin e Apelit të Dhomës së Posaçme brenda 15 ditëve nga pranimi i këtij aktvendimi. Ankesa duhet të dorëzohet në bazë të nenit 9.6 të Ligjit për Dhomën e Posaçme.

Diellza Hoxha
Gjyqtare